

【经文信息】大正藏第 14 册 No. 0427

佛说八吉祥神咒经 1 卷

No. 427 [Nos. 428-431]

佛说八吉祥神咒经

吴月氏优婆塞支谦译

闻如是：

一时，佛在罗阅祇耆阁崛山中，与千二百五十比丘俱，菩萨千人皆弥勒等。

佛告贤者舍利弗及诸比丘：「皆一心听！」

佛告贤者舍利弗：「东方去是一恒沙，有佛名安隐嘱累满具足王如来。至真。无所著。最正觉，今现在说法，其世界名曰满所愿聚。

「去是二恒沙，有佛名紺琉璃具足王如来。无所著。最正觉，今现在说法，其世界名曰慈哀光明。

「去是三恒沙，有佛名劝助众善具足王如来。无所著。最正觉，今现在说法，其世界名曰欢喜快乐。

「去是四恒沙，有佛名曰无忧德具足王如来。无所著。最正觉，今现在说法，其世界名曰一切乐入。

「去是五恒沙，有佛名药师具足王如来。无所著。最正觉，今现在说法，其世界名曰满一切珍宝法。

「去是六恒沙，有佛名曰莲华具足王如来。无所著。最正觉，今现在说法，其世界名曰满香名闻。

「去是七恒沙，有佛名算择合会具足王如来。无所著。最正觉，今现在说法，其世界名曰一切解说音声远闻。

「去是八恒沙，有佛名解散一切缚具足王如来。无所著。最正觉，今现在说法，其世界名曰一切解脱。」

佛告贤者舍利弗：「此诸佛如来。无所著。过四道不受。最正觉，其国土清净，无五浊、无爱欲、无意垢。若有善男子、善女人，闻此八佛及国土名，受持奉行讽诵，广为他人解说其义者，终不愚痴，口之所言，无有失误，相好具足，无所缺减，无央数年不为乏少。」

「是人终不堕太山地狱、饿鬼、畜生中也，是人终不望取罗汉、辟支佛道而般泥洹，必当逮得无上平等之道，常遇陀邻尼，常行菩萨道，得功德无量。」

「第一四天王常拥护之，不为县官所拘录，不为盗贼所中伤，不为天龙、鬼神所触烧，阅叉鬼神、蛊道鬼神、若人、若非人，皆不能害杀得其便也，除其宿命不请。」

「若有疾病、水火、鸟鸣、恶梦、诸魔所烧，恐怖衣毛竖时，常当读是八吉祥神呪经呪之，即得除愈。」

是时，佛说偈言：

「若有持是经，	八佛国土名，
不堕三恶处，	疾得无上道。
自觉发道意，	见佛即开解，
中外常欢喜，	供养心恭敬。
亿劫阿僧祇，	行恶悉消除，
持是八吉祥，	速得明解教。
供事是经者，	千叶华中生，
珍宝为其出，	色像好无上。
人闻是尊经，	尊敬信乐者，
奉持讽诵读，	清净无放逸。
女人信是经，	敬慎无谗谄。
弃女为男子，	聪明常黠慧，
奉持八佛名，	出入贼不害。
刀兵水火毒，	诸邪不能干，
爱乐奉是经，	诸魔不得便。
鬼神诸官属，	无能烧乱者，

飞行到诸刹，
心意正无邪，
所生常遇佛，
一切众恶除，
精进无懈怠，
为人朴直儒，
勇猛降众魔，
端正相好具，
布施无悭贪，
盗贼及怨家，
疾病县官事，
持是八佛名，
奉持是经者，
第一四天王，
所愿皆可得，
一心信乐者，
所在大丰乐。
见佛大欢喜，
等心奉事之。
疾得泥洹道，
去离诸缘着。
奉持八佛名，
其力如金刚。
一切莫能当，
巨亿万家生。
自然皆消除，
乌鸣诸恶梦，
呪之即除愈。
弥勒菩萨等，
常共拥护之。
踊跃大欢喜，
福德亦如是。」

尔时，诸菩萨：颯陀和菩萨、罗怜那竭菩萨、桥日兜菩萨、那罗达菩萨、须深弥菩萨、摩诃须和萨和菩萨、因祇达菩萨、和轮调菩萨，是八人求道已来无央数劫，于今未取佛，愿言：「使十方天下、人民皆得佛道。若有急疾，皆当呼我八人名字，即得解脱；寿命欲终时，我八人便当飞往迎逆之。」

诸菩萨弥勒等、第一四天王，皆白佛言：「吾当拥护持八吉祥神呪经者，与我并力令诸疾病皆得除愈。」

佛说经已，舍利弗、弥勒菩萨，及诸比丘、天龙、鬼神、阿须伦王，皆大欢喜乐闻。

佛说八吉祥神呪经

【经文信息】大正藏第 14 册 No. 0427 佛说八吉祥神呪经

【版本记录】CBETA 电子佛典 Rev. 1.12 (Big5)，完成日期：2009/05/24

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，阎学新大德输入 / Gamblers 大德校对，北美某大德提供，Jasmine 提供新式标点

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
